

15

封神演義

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
OCT 6 1953

T 5757/0421

共二十本

十五

第七十二回

廣成子三謁碧遊宮

詩曰

三叩玄關禮大仙

貝宮珠闕自天然

翔鸞對舞瑤階下

馴鹿呦遊碧檻前

無限干戈從此肇

若多誅戮自今先

周家吐氣承新命

又有西方正覺緣

話說龍吉公主被火靈聖母一劍砍傷胸臆。大叫一聲。攔

轉馬望西北逃走。火靈聖母追趕。有六七十里方回。這二

陣洪錦折兵一萬有餘。胡升大喜。迎接火靈聖母進關。只

見龍吉公主。乃蕊宮仙子。今墮凡塵。也不免遭此一劍之



厄夫妻帶傷而逃。至六七十里方纔收集敗殘人馬。在營寨忙取丹藥敷搽。一時卽愈。忙作文書。申姜元帥來接兵。且說差官非一日。至子牙大營。子牙正坐。忽報洪錦遣官轅門等令。子牙命令來差官進營叩頭。呈上文書。子牙展開。

書曰。

奉命東征。佳夢關副將洪錦。頓首百拜。奉書謹啓。大元戎麾下。末將以樗櫟之才。謬叨重任。日夜祇懼。恐有不能克負。荷有傷元帥之明。自分兵抵關之日。屢獲全勝。因獲逆命守關裨將胡雷。擅用妖術。被末將妻用法斬之。

豈意彼師火靈聖母。欲圖報仇。自恃道術。末將初會戰時。不知深淺。誤中他火龍兵沖來。勢不可解。大折一陣。乞元帥速發援兵。以解倒懸。非比尋常。可以緩視之也。謹此上書。不勝翹望之至。

話說子牙看罷。大驚。這事非我自去不可。隨分付李靖。暫署大營事務。候我親去。走一遭。爾等不可違吾節制。亦不可與汜水關會兵。緊守營寨。毋得妄動。以挫軍威。違者定按軍法。等我回來。再取此關。李靖領令。子牙隨帶常護。哪吒。調三千人馬。離了汜水關。一路上滾滾征塵。重上殺氣。非止一日。來到佳夢關安營。不見洪錦的行營。子牙陞帳。

坐下半晌。洪錦打聽子牙兵來。夫妻方移營至轅門。聽令子牙把洪錦令入中軍。夫妻上帳請罪。備言失機折軍之事。子牙曰：身爲大將，受命遠征，須當見機而作。如何造次進兵，致有此一場大敗。洪錦啓曰：起先俱得全功，不意一道姑名曰火靈聖母，有一塊金霞，方圓有十餘丈，罩住他末將，看不見他。他反看得見我，又有三千火龍兵，似一座火焰山，一擁而來，勢不可當。軍士見者先走，故此失機。子牙聽罷，心下甚是疑惑。此又是左道之術。正思量被敵之計，且說火靈聖母在關內連日打探洪錦不見，抵關只見這一日報馬報入城來，報姜子牙親提兵至此。火靈聖母

曰：今日姜尚自來，也不負我下山一場。我必親會他，方纔甘心。別了胡升，怪上金眼駝，暗帶火龍兵出關，至大營前坐名要子牙答話。報馬報入中軍，稟元帥火靈聖母坐名請元帥答話。子牙旣便帶了衆將，佐點砲出營。火靈聖母大呼曰：來者可是姜子牙麼？子牙答曰：道友，不才便是。道友你旣在道門，便知天命。今紂惡貫盈，天人共怒，天下諸侯大會孟津，觀政于商，你何得助紂爲虐，逆天行事，獨不思得罪於天耶？况吾非一己之私，奉玉虛符命，以恭行天之罰。道友又何必逆天強爲之哉？不若聽吾之言，倒戈納降，吾亦體上天好生之仁，決不肯糜爛其民也。火靈聖母

笑曰。你不過仗那一番惑世誣民之談。愚昧下民。科你不過一釣叟。貪功網利。鼓弄愚民。以爲己功。怎敢言應天順人之舉。且你有多大道行。自恃其能哉。催開金眼駝。仗劍來取。子牙手中劍。火速來迎。左有哪吒。登開風火輪。使開火尖鎗。劈胸就刺。韋護持降魔杵。棹步飛騰。三人戰住。聖母正是。

大鱗逞威噴紫霧。

蛟龍奮勇吐光輝。

火靈聖母那里經得起三人惡戰。鎗杵環攻。抽身回走。用劍挑開淡黃襪。金霞冠放出金光。約有十餘丈遠。近子牙。看不見火靈聖母。聖母提劍把子牙前胸一劍。子牙又無

鐵甲抵擋。竟砍開皮肉。血濺衣襟。撥轉四不相。望西逃走。火靈聖母大呼曰。姜子牙。今番難逃此厄也。三千火龍兵一齊在火光中吶喊。只見大轅門金蛇亂擺。圈子內個個遭殃。火焰冲于霄漢。赤光燒盡旌旗。一會家副將不能顧主將。正是刀砍尸體滿地。火燒人喚難聞。且言火靈聖母趕子牙。又趕至無躲無閃之處。前走一似猛弩離弦。後趕的好似飛雲掣電。子牙一來年紀高大。劍傷又疼。被火靈聖母把金眼駝。趕到至緊至急之處。不得相離。子牙正在危迫之間。又被火靈聖母。取出一個混元鎚。望子牙背上打來。正中子牙後心。翻筋斗。跌下四不相去了。火靈聖母

下了金眼駝來取子牙首級只聽得一人作歌而來

歌曰

一經松竹籬扉兩葉烟霞窻戶三卷黃庭四季花開處
新詩信手書丹爐自己扶垂綸菱浦散步溪山處坐向
蒲團調動離龍虎功夫披塵遠世途狂呼嘯傲兔和烏
話說火靈聖母方去取子牙首級只見廣成子作歌而至
火靈聖母認得是廣成子大呼曰廣成子你不該來廣成
子曰吾奉玉虛符命在此等你多時矣火靈聖母大怒仗
劍砍來這一個輕移道步那一個急轉麻鞋劍來劍架劍
鋒斜刺一團花劍去劍迎騰後千團寒霧滾火靈聖母把

金霞冠現出金光來他不知廣成子內穿着掃霞衣將金
霞冠的金光一掃全無火靈聖母大怒曰敢破吾法寶怎
肯干休氣嘖嘖的仗劍來砍惡恨恨的火焰飛騰復來戰
廣成子廣成子是犯戒之仙他如今還存甚麼念頭已忙
取番天印祭在空中正是

聖母若逢番天印

道行千年付水流

話說黃成子將番天印祭起在空中落將下來火靈聖母
那裡躲得及正中頂門可憐打的腦漿迸出一靈也往封
神臺去了廣成子收了番天印將火靈聖母的金霞冠也
收了忙下山頭澗中取了水蘆葫中取了丹藥扶起子牙

把頭放在膝上把丹藥灌入子牙口中下了十二重樓有
一個時辰子牙睜開二目見廣成子子牙曰若非道兄相
救姜尚必無再生之理廣成子曰吾奉師命在此等候多
時你該有此厄把子牙扶上四不相廣成子曰子牙前途
保重子牙深謝廣成子難爲道兄救吾殘喘銘刻難忘廣
成子曰我如今去碧遊宮繳金霞冠去子牙別了廣成子
圍住夢關來正行之際忽然一陣風來甚是利害只見催
林拔樹攪海翻江子牙曰好怪此風如同虎至一般話未
了時果然見申公豹跨虎而來子牙曰狹路相逢這惡人
如何是好也罷我躲了他罷子牙把四不相一拋欲隱於

茂林之中不意申公豹先看見了子牙申公豹大呼曰姜
子牙你不必躲我已看見你了子牙只得強打精神上前
稽首子牙曰賢弟那裡來申公豹笑曰特來會你姜子牙
你今日也還同南極仙翁在一處不好如今一般也有單
自一個撞着我料你今日不能脫吾之手子牙曰兄弟我
與你無仇你何事這等惱我申公豹曰你不記得在崑崙
你倚南極仙翁之勢全無好眼相看先叫你你只是不採
後又同南極仙翁辱我又叫白鶴童兒銜我的頭去指望
害我這是殺人冤仇還說沒有你今日金臺拜將要伐罪
弔民只怕你不能兵進五關先當死于此地也把寶劍照

子牙砍來子牙手中劍架住曰兄弟你真乃薄惡之人我
與你同一師尊門下。抵足四十年。何無一點情意。及至我
上崑崙。你將幻術愚我。那時南極仙翁。叫白鶴童兒。難你
是我再三解釋。你到不思量報本。反以爲仇。你真是無情
無義之人也。申公豹大怒。你二人商議害我。今又巧語花
言。希圖饒你。說未了。又是一劍。子牙大怒。申公豹。吾讓你
非是怕你。恐後人言我姜子牙不存仁義也。與你一般。你
如何欺我太甚。將手中劍來戰申公豹。大抵子牙傷痕纔
愈。如何敵得過申公豹。只見子牙前心牽扯。後心疼痛。撥
轉四不相望。東就走。申公豹虎踏風雲。趕來甚緊。正是子

牙

方纔脫却天羅難。

又撞冤家地網來。

話言申公豹赶上子牙。打一開天珠來。正中子牙後心。子
牙坐不住。四不相滾下鞍鞦。申公豹方下虎來。欲害子牙。
不防山坡下坐着夾龍山飛龍洞懼留孫道人。他也是奉
玉虛之命。在此等候申公豹的。乃大呼曰。申公豹。少得無
禮。我在此。我在此。連叫兩聲。申公豹回頭。看見懼留孫。吃
了一驚。他知道懼留孫利害。自思不好。便欲抽身上虎。而
走。懼留孫笑曰。不要走。手中急祭網仙繩。將申公豹網了。
一留孫分付黃中力士曰。與我拿至麒麟崖去。等吾來發

落黃巾力士領法旨去訖。且說懼留孫下山。挽扶子牙。靠石倚松。少坐片時。又取粒丹藥服之。方纔復舊。子牙日多。感道兄救我傷痕未好。又打了一珠也。是吾七死三災之厄耳。子牙辭了懼留孫。上了四不相。回佳夢關。不表。且說懼留孫。縱金光法。往玉虛宮來。行至麒麟崖。見黃巾力士等候。懼留孫行至宮門前。少時見一對提旛。一對提爐。兩行羽扇。分開。怎見得元始天尊。出玉虛宮。光景有詩爲証。

詩曰

鴻濛初判有聲名

煉得先天聚五行

頂上三花朝北闕

胸中五氣透南溟

群仙隊裏稱元始

玄妙門庭話未生

漫道香苑隨輦鼓

滄桑萬劫壽同庚

話說懼留孫見掌教師尊。出玉虛宮來。俯伏道傍。口稱老師。萬壽元始天尊曰。好了。你們也撥開雲霧。不久返本還元。懼留孫曰。奉老師法旨。將申公豹拿至麒麟崖。聽候發落。元始聽說。來至麒麟崖。見申公豹提在那裡。元始曰。業障。姜尚與你何仇。你邀三山五岳人。去伐西岐。今日天數皆完。你還在半途害他。若不是我預爲之計。幾乎被你害了。如今封神一切事體。要他與我代理。應合佐周。你如今只要害他。使武王不能前進。命黃巾力士。揭起麒麟崖。將

這業障壓在此間待姜尚封過神再放他看管元始天尊豈不知道要此人收聚封神榜上三百六十五位正神故假此難他恐他又起波瀾耳黃巾力士來拿申公豹要壓在崖下申公豹口稱冤枉元始曰你明明的要害姜尚何言冤枉也罷我如今把你壓了你說我偏向姜尚你如再阻姜尚你發一個誓來申公豹發一個誓願只當口頭言語不知出口有愿公豹曰弟子如再要使仙家阻當姜尚弟子將身子塞了北海眼元始曰是了放他去罷申公豹脫了此厄而去懼留孫也拜辭去了且說廣成子打死了火靈聖母逕往碧遊宮來這個原是截教教主王所居之地

廣成子來至宮前好所在怎見得有賦爲証

賦曰

烟霞疑瑞靄。日月吐祥光。老栢青青與山嵐似秋水長天。一色野卉緋緋同朝霞。如碧桃丹杏齊芳。彩色盤旋。盡是道德光華。飛紫霧。杳烟縹緲。皆從先天無極吐清芬。仙桃仙果。顆顆恍若金丹。綠楊綠柳。條條揮如玉線。時聞黃鶴鳴臯。每見青鸞翔舞。紅塵絕跡。無非是仙子仙童來往。玉戶常門。不許那凡夫俗女閑窺。正是無上至尊行樂地。其中妙境少人知。

話說廣成子來至碧遊宮外。站立多時。裏邊開講道德玉

文少時有一童子出來。廣成子曰：「那童子煩你通報一聲。」
宮外有廣成子求見老爺。童兒進宮，至九龍沉香輦下，稟
曰：「啓老爺，外有廣成子至宮外，不敢擅入，請法旨定奪。」通
天教主曰：「着他進來。」廣成子進至裏邊，倒身下拜。弟子愿
師叔萬壽無疆。通天教主曰：「廣成子，你今日至此，有何事
見我？」廣成子將金霞冠奉上。弟子啓師叔：「今有姜尚東征，
兵至佳夢關，此是武王應天順人，弔民伐罪，紂惡貫盈，理
當勦滅。不意師叔教下門人，火靈聖母仗此金霞冠前來
阻逆大兵，擅行殺害生靈，糜爛士卒，頭一陣劍傷洪錦，併
龍吉公主。第二陣又傷姜尚，幾乎喪命。弟子奉師尊之命，

下山再三勸慰，彼仍恃寶行兇，欲傷弟子。弟子不得已，用
了番天印，不意打中頂門，以絕生命。弟子特將金霞冠繳
上碧遊宮，請師叔法旨。通天教主曰：「吾三教共議封神，其
中有忠臣義士上榜者，有不成仙道而爲神道者，各有深
淺厚薄。彼此緣分，故神有尊卑，死有先後。吾教下也有許
多，此是天數，非同小可。况有彌封，只至死後方知端的。廣
成子你與姜尚說，他有打神鞭，如有我教下門人阻他者，
任憑他打。前日我有論帖在宮外，諸弟子各宜緊守。他若
不聽教訓，的是自取咎與姜尚無干。廣成子去罷。」廣成子
出了碧遊宮，正行只見諸二弟子在傍，聽見掌教師尊分

付。凡。吾。教。下。弟。子。不。遵。訓。誨。任。憑。他。打。眾。弟。子。心。下。甚。是。不。服。俱。在。宮。外。等。他。傍。邊。有。最。不。忿。的。是。金。靈。聖。母。無。當。聖。母。對。眾。言。曰。火。靈。聖。母。是。多。寶。道。人。門。下。廣。成。子。打。死。了。他。就。是。打。我。等。一。樣。他。還。來。繳。金。霞。冠。明。明。是。欺。讎。吾。教。我。等。師。尊。又。不。察。其。事。反。分。付。任。他。打。是。明。明。欺。吾。等。無。人。物。也。比。時。惱。子。龜。靈。聖。母。大。呼。曰。豈。有。此。理。他。打。死。火。靈。聖。母。還。來。繳。金。霞。冠。待。吾。去。拿。了。廣。成。子。以。洩。吾。等。之。恨。龜。靈。聖。母。仗。劍。趕。來。大。叫。廣。成。子。不。要。走。我。來。了。廣。成。子。站。住。見。他。來。的。勢。局。不。同。廣。成。子。陪。笑。迎。來。問。曰。道。兄。有。何。分。付。龜。靈。聖。母。曰。你。把。吾。教。門。人。打。死。還。到。此。處。

來。賣。精。神。分。明。是。欺。讎。吾。教。顯。你。等。豪。強。情。殊。可。恨。不。要。走。吾。與。火。靈。聖。母。報。仇。仗。劍。砍。來。廣。成。子。將。手。中。劍。架。住。言。曰。道。友。差。矣。你。的。師。尊。共。立。封。神。榜。豈。是。我。等。欺。他。是。他。自。取。也。是。天。數。該。然。與。我。何。咎。道。友。言。替。他。報。仇。真。是。不。按。事。體。龜。靈。聖。母。大。怒。曰。還。敢。以。言。語。支。吾。不。由。分。說。又。是。一。劍。廣。成。子。正。色。言。曰。我。以。禮。諭。你。你。還。是。如。此。終。不。然。我。怕。你。不。成。縱。是。我。師。長。也。只。好。讓。你。兩。劍。龜。靈。聖。母。又。是。一。劍。廣。成。子。大。怒。面。皮。通。紅。仗。寶。劍。相。還。兩。家。未。及。數。合。廣。成。子。祭。番。天。印。打。來。龜。靈。聖。母。見。此。印。打。下。來。招。架。不。住。忙。現。原。身。乃。是。個。大。烏。龜。昔。蒼。頡。造。字。而。有。龜。

文羽翼之形。就是那時節得道的修成人形。原是一個母
烏龜。故此稱爲聖母。彼時金靈聖母多寶道人見龜靈聖
母現了原形。各人面上俱覺慚愧之極。甚是追悔。只見此
首仙烏雲仙金光仙金牙仙大呼廣成子。你欺吾教。不是
這等數人發怒。一齊仗劍趕來。廣成子自思吾在他家裏。
身入重地。自古道單絲不成線。反爲不美。廣成子又見他
們重重圍來。不若還奔碧遊宮。見他師尊自然解釋。乃不
等通報。逕自投臺下來。通天道人曰。廣成子你又來。有甚
話說。廣成子跪而啓曰。師叔分付弟子領命下山。不知師
叔門人龜靈聖母同許多門人來爲火靈聖母復仇。弟子

無門可入。特來見師叔。金容求爲開釋。通天主命水火
童兒把龜靈聖母叫來。少時龜靈聖母至法臺下行禮。口
稱弟子在通天教主曰。你爲何去趕廣成子。龜靈聖母曰。
廣成子將吾教下門人打死。反上宮來獻金霞冠。分明是
欺讎吾教。通天教主曰。吾爲掌教之主。反不如你等。此是
你不守我諭言。自取其禍。大抵俱是天數。我豈不知。廣成
子把金霞冠繳來。正是尊吾法旨。不敢擅用吾寶。爾等仍
是很心野性。不守我清規。大是可惡。將龜靈聖母革出宮
外。不許入宮。聽講。遂將龜靈聖母革出。兩傍惱乃許多弟
子私相怨曰。今爲廣成子反把自家門弟子輕辱。師尊如

何這樣偏心。大家俱不念。盡出門來。只見通天教主分付廣成子。你快去罷。廣成子拜謝了教主。方纔出了碧遊宮。只見後面一起截教門人趕來。只叫拿住了廣成子。以洩吾衆人之恨。廣成子聽得着慌。這一番來得不善。欲逕往前行。不好欲與他抵敵。寡不敵衆。不若還進碧遊宮。纔免得此厄。看官廣成子你原不該來。這正應了三謁碧遊宮。正是

沿潭撒下鈎和線

從今鈎出是非來

話說廣成子這一番慌慌張張。跑至碧遊宮臺下。來見通天教主。不知吉凶如何。且聽下回分解。

總批

火靈聖母自恃金霞冠無敵。就有殺身之禍。假若他當日無此寶。則無所恃。他自不下山來。安得有這場是非。這還是通天教主作成。送他個死。

又批

廣成子原自多事。當時只俟子牙伐紂事完後。再去繳金霞冠。也不遲。如何先期而進。致有三謁碧遊宮之愆。這都是替子牙添担子。不知當日神仙俱不肯清淨。要尋事做。無怪今人之多事也。

恩不肯散學要存專辦無到今人之多事也
 遊宮之欲豈能長替于天悉母于不吹當日輒而
 去避命靈出也不數吸何求俱而數廷育三箇樂
 前行不實氣子取日參時當領只對于天外歸事宗豈再
 天推死有官相成
 豈與長非豈豈長既天楚主并叔致此此此
 此當日無此寶傾無視卦此自不不出來安豈豈
 火靈聖母自許金靈胎無嫡慈育慈良之離此苦
 餘此王不知古如如何此下何分

第七十三回

青龍關飛虎折兵

詩曰

流水滔滔日夜磨

不知烏兔若奔梭

纔看苦海成平陸

又見蒼桑化碧波

熊虎將軍食白刃

英雄俊傑飲干戈

遲蚤只因天數定

空教血淚滴婆娑

話說廣成子三進碧遊宮。又來見通天教主。雙膝跪下。教
 主問曰。廣成子。你為何又進我宮來。全無規矩。任你胡行。
 廣成子曰。蒙師叔分付弟子去了。其如衆門人不放弟子
 去。只要與弟子併力。弟子之來。無非敬上之道。若是如也。

弟子是求榮反辱望老師慈悲發付弟子也不壞師叔昔
日三教共立封神榜的體面。通天教主聽說怒曰水火童
子忙把這些無知畜生喚進宮來只見水火童子領法旨
出宮來見衆門人曰列位師兄老爺發怒喚你等進去衆
門人聽師尊呼喚大家沒意思只得進宮來見通天教主
喝曰你這些不守規矩的畜生如何師命不遵恃強生事
這是何說。廣成子是我三教法旨扶助周武這是應運而
興他等逆天行事理當如此。你等如何還是這等胡爲情
實可恨直罵得衆人們面面相覷低頭不語。通天教主分
付廣成子曰你只奉命而行不要與這些人計較。你好生

去罷。廣成子謝過恩出了宮。逕回九仙山去了。後有詩嘆
曰。

詩曰

廣成奉旨涉先天。

只爲金霞冠欲還。

不是天心原有意。

界牌關下有誅仙。

話說通天教主曰姜尚乃是奉吾三教法旨扶佐應運帝
王。這三教中都有在封神榜上的。廣成子也是犯教之仙。
他就打死火靈聖母。非是他來尋事做。這是你去尋他。總
是天意。爾等何苦與他做對。連我的訓諭不依成何體面。
衆門人才及開言只見多寶道人跪下稟曰老師聖諭怎

敢不依只是廣成子太欺吾教妄自尊大他的玉虛教法
辱詈我等不堪。老師那裡知道到把他一面虛詞當做真
話被他欺誑過了。通天教主曰紅花白藕青荷葉三教原
來總一般。他豈不知怎敢亂說欺弄你等。切不可自分彼
此致生事端。多寶道人曰老師在上。弟子原不敢說。只今
老師不知詳細事已至此。不得不以直告。他罵吾教是左
道傍門。不分披毛帶角之人。濕生卵化之輩。皆可同羣共
處。他視我為無物。獨稱他玉虛道法為無上至尊。所以弟
子等不服也。通天教主曰我看廣成子亦是真實君子。斷
無是言。你們不要錯聽了。多寶道人曰弟子怎敢欺誑老

師衆門人齊曰實有此語。這都可以面質通天教主。笑曰
我與羽毛相並。他師父却是何人。我成羽毛。他師父也是
羽毛之類。這畜生這等輕薄。分付金靈聖母。往後邊取那
四口寶劍來。少時金靈聖母取一包袱。內有四口寶劍。放
在案上。教主曰多寶道人過來聽我分付。他既是笑我教
不如你可將此四口寶劍去界牌關擺一誅仙陣。看闡教
門下那一個門人敢進吾陣。如有事時我自來與他講多
寶道人請問老師此劍有何妙用。通天教主曰此劍有四
名。一曰誅仙劍。二曰戮仙劍。三曰陷仙劍。四曰絕仙劍。此
劍倒懸門上。發雷振動劍光一晃。任從他是萬劫神仙也。

難逃得此難。昔曾有讚讚此寶劍。讚曰。

非銅非鉄。又非鋼。曾在須彌山下藏。不用陰陽顛倒煉。豈無水火淬鋒芒。誅仙利戮仙亡陷。仙到處起紅光。絕仙變化無窮妙。大羅神仙血染裳。

話說通天教主。將此劍付與多寶道人。又與一誅仙陣圖。言曰。你往界牌關去。阻住周兵。看他怎樣對你。多寶道人離了高山。逕往界牌關去。不表。且說子牙自從遇申公豹。得脫回佳夢關來。周營內差人。四下裡打探子牙消息。只見哪吒登風火輪。四下找尋子牙。正策四不相前行。恰好遇着常護。常護大喜。上前安慰。子牙曰。自火龍兵冲散人。

馬急切難以收聚。不意火靈聖母趕師叔去。那些兵原是左道邪術。是沒有主將。作法驅逐。一時火光滅了。並無有一些手段。被我等收回。兵復一陣殺的。他乾淨。只是不見師叔。如今哪吒等四路去打探。不期弟子在此得遇尊顏。我等不勝幸甚。有探事官飛奔中軍來報于洪錦。洪錦遠迎子牙進轅門。眾將懼喜。收聚人馬。計算又折了四五千軍卒。子牙把火靈聖母申公豹的事對眾軍將細說一遍。眾入賀喜。子牙分付整頓人馬。離佳夢關五十里。住了三日子。牙方整點士卒。一聲砲响。復至關下安營。且說胡升在關內不知火靈聖母凶吉。又聽得報馬來報。子牙兵復

至關下。胡升大驚。姜尚兵又復至。火靈聖母休矣。急與佐二官商議。前日已是降周。乎空而來。火靈聖母攪擾這場。使吾更變一番。雖然勝了姜子牙。二陣成得甚事。如今怎好相見。傍有佐二官王信曰。如今元帥把罪名做在火靈聖母身上。彼自不罪元帥也。這也無妨。胡升曰。此言也有理。就差王信具納降文書。前往周營來見子牙。有軍政官報入中軍。啓元帥。關內差官下文書。請令定奪。子牙傳令來。王信來至中軍。呈上文書。子牙展于案上。觀看書曰。納降守關主將胡升。暨大小將佐等。頓首上書於西。周大元帥麾下。不職升。謬承司關鎮守邊關。謹慎小心。希

圖少盡臣節。以報主知。孰意皇天不眷。降災于殷。天怒人叛。致動天下諸侯。觀政于商。日者元帥率兵抵關。升弟胡雷與火靈聖母不知天命。致逆王師。自罹于禍。悔亦無及。升罪固宜。罔赦。但元帥汪洋之度。好生之人。無不覆載。今特遣裨將王信。薰沐上書。乞元帥下鑒。愚悃容其納降。以救此一方民。真時雨之師。萬姓頂祝矣。胡升再頓首謹啓。

子牙看書畢。問王信曰。你主將既已納款。吾亦不究往事。明日卽行。誠恐母得再有推阻。洪錦在傍言曰。胡升反覆不定。元帥不可輕信。恐其中有詐。子牙曰。前日乃是他兒

弟。這傲與火靈聖母自恃左道之術故耳。以我觀胡升乃
是真心納降也。公無多言。隨令王信回覆主將。明日進關。
王信領令進關來見胡升。將子牙言語盡說一遍。胡升大
喜。隨命關上軍士立起周家旗號。次日胡升同大小將領
率百姓出關。手執降旗。焚香結彩。迎子牙大勢人馬進關。
來至帥府堂上坐下。眾將官侍立兩傍。只見胡升來至堂
前行禮畢。稟曰。末將胡升一向有意歸周。奈吾弟不識天
時。以遭誅戮。末將先曾具納降文表與洪將軍。不期火靈
聖母要阻天兵。末將再三阻攔不住。致有得罪于元帥。塵
下。望元帥恕末將之罪。牙曰。聽你之言。真是反覆不定。

頭一次納降。非你本心。你見關內無將。故爾偷生。及見火
靈聖母來至。汝三便欺心。又思故主。總是暮四朝之小人。
豈是一言以定之。君子此事雖是火靈聖母主意。也要你
自己肯爲。我也難以准信。留你久後。必定爲禍。命左右推
出斬之。胡升無言抵塞。追悔無及。左右將胡升綁出帥府。
少時見左右將首級來獻。子牙命拿出關前號令。子牙乎
定了佳夢關。令祁恭鎮守。子牙把戶口查明。即日回兵。至
汜水關。李靖領眾將轅門迎接。子牙至後營。見武王將取
佳夢關一事。委知武王。武王置酒在中軍。與子牙賀功。不
表。且說黃飛虎領十萬雄師。往青龍關來。一路浩浩軍威。

紛紛殺氣。一日哨馬報入中軍啓總兵人馬已至青龍關。請令安營。黃總兵傳令安下行營。放砲吶喊。話說這青龍關鎮守大將乃是丘引副將。是馬方高貴。余成孫寶等聞周兵來至。丘引忙陞聽坐下。與衆將議曰。今日周兵無故犯界。甚是狂悖。吾等正當效力之時。各宜盡心報國。衆將官齊曰。願效死力。人人俱摩拳擦掌。個個勇往直前。且說黃總兵陞帳曰。今日已抵關隘。誰去見頭一陣立功。鄧九公曰。願往。飛虎曰。將軍一往。必建奇功。鄧九公上馬出營。至關下。搦戟哨探馬報入帥府。丘引急令馬方去見頭陣。便知端的。馬方上馬提刀。開放關門。兩杆旗開見鄧九公。

紅袍金甲一騎馬飛臨陣前。馬方大呼曰。反賊慢來。九公曰。馬方你好不知天時。方今兵連禍結。眼見成湯亡于旦夕。爾尚敢來出關會戰也。馬方大罵逆天潑賊。欺心匹夫。敢出妄言。惑吾清聽。縱馬搖鎗飛來。直取鄧九公手中刀。急架忙迎。二馬盤旋大戰。有三十回合。鄧九公乃久經戰場上將。馬方那裡是他的對手。正戰間。被九公賣個破綻。大喝一聲。將馬方劈于馬下。鄧九公拔了首級。掌得勝鼓。回營來。見黃飛虎將馬方首級伏上。黃總兵大喜。上九公首功。具酒相慶。且說敗兵報進關來。稟元帥馬方失機。被鄧九公梟了首級。號令周營。丘引聽報。只氣得三尸神暴。

跳七竅內生烟。次日親自提兵出關。黃飛虎正議取關一事。見哨馬報入中軍。青龍關大隊擺開。請總兵答話。黃飛虎傳令也。把大隊人馬擺出。砲聲响處。大紅旗展。好雄威人馬出來。正是

人是歡彪擯濶濶

馬如大海老龍騰

話言丘引見黃飛虎。左右分開大小將官。一馬當先。大隊黃飛虎負國忘恩。無父無君之賊。你反了五關。殺害朝廷命官。劫紂王府庫。助姬發爲惡。今日反來侵擾天子。關隘你真是惡貫滿盈。必受天誅。黃飛虎笑曰。今天下會兵紂王亡在旦夕。你等皆無死所。馬前一卒。有多大本領。敢逆

天兵耶飛虎回顧左右那一員戰將與吾拏了。丘引後有黃天祥應曰。待吾來擒此賊。天祥年方十七歲。正所謂初生之犢不懼虎。催開戰馬。搖手中鎗。沖殺過來。這壁廂有高貴搖斧接住。兩馬相交。鎗斧並舉。黃天祥也是封神榜上之人。方大無窮。來來往往。未及十五回合。一鎗刺中高貴心窩。翻鞍下馬。丘引大叫一聲。氣殺吾也。不要走。吾來也。丘引銀盔素鎧。白馬長鎗。飛來直取天祥。黃天祥見丘引自至。心下暗喜。此功該吾成也。搖手中鎗。劈面相還。好殺。怎見得正是

棋逢敵手難藏典

將遇良材好奏功

黃天祥使發了這條鎗如風馳雨驟勢不可當丘引自竟不能勝天祥今會頭陣如此英勇鎗法更神有讚爲証讚曰乾坤真個少蓋世果然稀老君爐裡煉曾敲十萬八千鎚磨塌太行山頂石一乾黃河九曲溪上陣不沾塵世界回來一陣血腥飛

話說黃天祥使開鎗把丘引殺得只有招架之功更無還兵之力傍有丘引副將孫寶余成兩騎馬兩口刀殺奔前來助戰鄧九公見二將前來協助鄧九公奮勇走馬刀劈了余成翻鞍落馬孫寶大怒罵曰好匹夫焉敢傷吾大將

轉回來力敵九公話說丘引被黃天祥戰住不得開空總有左道之術不能使出來又見鄧九公走馬刀劈了余成心下急燥黃天祥喜了個破綻一鎗正中丘引左腿丘引大叫一聲撥轉馬就走黃天祥掛下鎗取弓箭在手拽滿弓絃往後心射來正中丘引肩窩孫寶見主將敗走心下着慌又被鄧九公一刀把孫寶揮于馬下梟了首級黃飛虎掌鼓進營正是

只知得勝回營去

那曉兒男大難來

話說丘引敗進高關不覺大怒四員副將盡被兩陣殺絕自己又被這黃天祥鎗刺左腿箭射肩窩候明日出陣拿

住此賊碎尸萬段。以泄此恨。看官丘引乃曲鱗得道。修成人體也。善左道之術。此人自用丹藥敷搽。即時全愈。到二日後。上馬提鎗。至周營前。只叫黃天祥來見我。哨馬報入中軍。黃天祥又出來會戰。丘引見了。仇人不答話。搖鎗直取天祥。黃天祥手中鎗急架忙迎。二馬交鋒。來往戰有二十回。合黃天祥看丘引頂上銀盔露出髮來。暗想此賊定有法術。恐遭毒害。天祥心生一計。把鎗丟了一空。丘引要報前日之仇。乘空一鎗刺來。刺了個空。跌在黃天祥懷裡。來黃天祥掣出銀裝鎗來。好鎗。怎見得有讚為証。

讚曰

寶攢玉靶金葉。廂成綠絨繩穿。就護手。孰銅抹就光輝。打大將翻鞍落馬。冲行營鬼哭神悲。亞斷三環劍。磕折丈八鎗。寒凜凜。有甚三冬雪。冷瘦瘦。賽過九秋霜。話說丘引被黃天祥一鎗正中前額。護心鏡上。打得丘引口噴鮮血。幾乎落下鞍轡。敗進關內。閉門不出。黃天祥得勝回營。來見父親。說丘引閉門不出。黃飛虎與鄧九公共議取關之策。不表。且說丘引被這一鎗打得吐血不止。忙服丹藥。一時不能全愈。切齒深恨黃天祥于骨髓。在關內保養傷痕。次日周兵攻打青龍關。丘引鎗傷未愈。上城來親自巡視。千方百計防設守關之法。大抵此關乃朝歌保

障之地西北藩屏最是緊要城高濠深急切難以攻打周兵一連攻打三日不能得下黃飛虎見此關急切難下傳令鳴金收回人馬再作良謀丘引見周兵退去也下城來至帥府坐下心中納悶忽報督良官陳奇聽令丘引令至殿前陳奇打躬曰催糧應濟軍需不曾違限請令定奪丘引曰催糧有功總為朝廷出力陳奇問周兵至此元帥連日勝負如何丘引答曰姜尚分兵取關惟恐吾斷他糧道連日與他會戰不意他將佐驍勇鄧九公殺吾佐二官黃天祥鎗馬強勝吾被他中槍箭射鏟打若是拿住這逆賊必分化其尸方泄吾恨陳奇曰元帥只管放心等末將拿

來報元帥之恨次日陳奇領本部飛虎兵坐火眼金睛獸提手中蕩魔杵至周營兩戰哨馬報入中軍啓元帥關上有將搦戰黃飛虎問曰誰將出馬鄧九公曰末將願領人馬九公縛兵刃在手逕出營來一見對陣鼓响一將當先提蕩魔杵坐金睛獸鄧九公問曰來者何人陳奇曰吾乃督糧官陳奇是也你是何人鄧九公答曰吾乃西周東征副將鄧九公是也日者丘引失機閉門不出你想是先來替死然而也做不得他的名下陳奇大笑曰看你這匹夫如嬰兒草芥你有何能便催開金睛獸使開蕩魔杵劈胸就打鄧九公大桿刀赴面交還獸馬交鋒刀杵并舉兩家

大戰三十回合。鄧九公的刀法如神。陳奇用的是短兵器。如何抵擋得住。陳奇把夢魔杵一舉。他有三千飛虎兵。手執撓鈎套索。如長蛇陣一般。飛奔前來。有拿人之狀。鄧九公不知緣故。陳奇原是左道。有異人秘傳。養成腹內一道黃氣。噴出口來。凡是精血成胎者。必定有三魂七魄。見此黃氣。則魂魄自散。九公見此黃氣。坐不住鞍轡。翻身落馬。鄧九公被飛虎兵一擁上前。生擒活捉。掣進高關。三軍吶喊。丘引正坐。左右報入府來。稟元帥陳奇捉了鄧九公。聽令丘引大悅。令左右推來鄧九公。及至醒來。身上已是繩索綁縛。莫能轉挫。左右擁至丘引面前。九公大罵曰。匹夫

以左道之術擒吾。我就死也不服。今既失機。有死而已。吾生不能啖汝血肉。死後必爲厲鬼。以殺叛賊。丘引大怒。令推出斬之。可憐鄧九公歸周。不能會諸侯于孟津。今日全忠于周主。正是

功名未遂扶王志。

今日逢危已盡忠。

話說丘引發出行刑牌出府。將鄧九公首級號令于關上。有哨探馬報入中軍。啓老爺鄧九公被陳奇吐黃氣。掣了進關。將首級號令城上。黃飛虎大驚曰。鄧九公有大將之才。不幸而喪于左道之術。心中甚是傷感。話說丘引治酒與陳奇賀功。次日陳奇又領兵至周營搦戰。報馬報入

中軍傍有九公佐二官太鸞大怒曰。末將不才。願與主將報仇。黃飛虎許之。太鸞上馬出營。與陳奇相對。也不答話。大戰二十回合。陳奇把杵一舉。後面飛虎兵擁來。陳奇把嘴一張。太鸞依舊落馬。被衆人擒拿。進關見丘引。曰。此乃從賊。且不必斬他。暫送下囹圄。俟拿了主將。一齊打囚車。解往朝歌。以盡國法。又不負汝之功耳。陳奇大喜。且說黃總兵見又折了太鸞。心下甚是不樂。只見次日來報。陳奇搦戰。黃將軍問左右誰去。走一遭。話未了。只見傍邊走過三子黃天祿。黃天爵。黃天祥。應曰。不肖三人愿往。黃飛虎分付。須要仔細。三人應聲曰。知道。弟兄三人上馬。逕

進營來。陳奇問曰。來者何人。黃天祿答曰。吾乃開國武成王。至三位。殿下黃天祿。天爵。天祥。是也。陳奇暗喜。正要拿這業畜。他恰自來送死。催開金睛獸。也不答話。使開蕩魔杵。飛來直取天祿兄弟三人。三條鎗。急架忙迎。四馬交鋒。怎見得一場好殺。

四將陣前發怒。顛開獸馬相持。長鎗晃晃。閃虹霓。蕩魔杵發來。峻利。這一個拚生捨死。定輸贏。那三個爲國亡家。分軒輊。些兒失手。命難存。留取清名傳萬世。三疋馬。裹住了。陳奇一定金睛獸。大戰在龍潭虎穴。不知吉凶如何。且聽下回分解。

胡升反覆不常。留之久必為禍。况當糧道要冲。安
得以疑似之人守之。殺之是也。但太公伐紂。乃順
天應人。豈有他虞。而必欲以平常之疑待之。子牙
此舉。有愧時雨之師。

又批

鄧九公有將才。而遭逢不辰。故為左道所害。此數
也。然一段慷慨不屈。足仍千古。

第七十四回

二將顯神通

詩曰

二將相逢各有名。

青龍關遇定輪贏。

五行道術皆堪並。

萬劫輪回共此生。

黃氣無聲能覆將。

白光有影更擒兵。

須知妙法無先後。

大難來時命自傾。

話說黃天祿兄弟三人。裏住陳奇。忽一鎗正中陳奇右腿。
陳奇將坐騎。跳出圈子外邊。黃天祿隨後趕來。陳奇雖然
腿上有傷。他的道術自在。他把蕩魔杵一舉。只見飛豹兵
蜂擁而來。將腹內煉成黃氣噴出。黃天祿滾下鞍鞦。早破

飛豹兵撓鈎搭住。生擒活捉了。進關來見丘引。丘引分付也。把黃天祿監禁了。話說黃天爵黃天祥回營見父言兒被擒。黃總兵十分不樂。遣官打聽。可曾號令探事官回報。啓老爺。不曾號令。話說陳奇腿上有傷。自用丹藥敷搽。只見次日丘引傷痕全愈。要來報仇。乃不戴頭盔。頂上戴一金箍。似駝頭樣。貫甲披袍。上馬拎鎗來。奔至周營。坐名要黃天祥決戰。報馬報入營中。天祥便欲出戰。飛虎阻當。不住天祥上馬提鎗出營。來見是丘引。大叫曰。丘引今日定要擒你見功。催開馬。搖手中鎗。直刺丘引。丘引鎗赴面交還。二馬盤旋。雙鎗並舉。大戰在關下。黃天祥這根鎗如風

狂雨驟勢不可當。丘引見招架不住。掩一鎗勒回馬。往關前就走。黃天祥不知好歹。隨後趕來。只見丘引頂上長一道白光。光中分開裏面現出碗大一顆紅珠。在空中滴溜溜。只是轉。丘引大叫黃天祥。你看吾此寶。黃天祥不知所以。擡頭看時。不覺神魂飄蕩。一會辨不知南北西東。昏昏慘慘。被步下軍卒。生擒下馬。繩縛二臂。及自醒時。已被捉住。丘引大喜。掌鼓進關。正是

可惜年少英雄客。

化作南柯夢裏人。

且說丘引拿住黃天祥。進關陞堂坐下。傳令兩邊把黃天祥推來。衆人將黃天祥推至面前。黃天祥氣冲牛斗。厲聲

大呼曰。丘引你這逆賊。敢以妖術成功。非大丈夫也。我死不足惜。當報國恩。若姜元帥兵臨。你這匹夫。有粉骨碎身之禍。既被你擒。快與我一死。吾定爲厲鬼。以殺賊。丘引大怒曰。你這叛賊。反出語傷人。你箭射。鏑打。鎗刺。你心下便自爽然。今日被擒。不自求生。反以惡語狂言辱吾。天祥睜目。大罵逆賊。我恨不得鎗穿你肺腑。鏑打碎你天靈。箭射透你心窩。方稱我報國忠心。今不幸被擒。自分一死。何必多言。做出那等的模樣。丘引大怒。命左右先梟了首級。仍風化其尸。掛在城樓上。少時哨馬報入周營。啓老爺。四公子被丘引拿去。梟了首級。把尸骸掛城樓上。風化其尸。請

軍令定奪。黃飛虎聽報。大叫一聲。跌倒在地。衆將扶起。黃總兵放聲大哭曰。吾生四子。不能爲武王。至孟津大會諸侯。以立功。今方頭一。座關隘。先喪吾三子。黃飛虎思子作詩一首。以志感。詩曰。

爲國捐軀赴戰場。丹心可並日爭光。

幾番未滅強梁寇。左衽擒兒年少亡。

話說黃總兵見事機如此。忙修告急申文。連夜差使臣往汜水關老營中見子牙求救。使臣在路也非一日。來至行營。旗門官報入中軍。啓元帥黃總兵遣官至轅門等令。子牙傳令。令來使臣至帳前行禮。將申文呈上。子牙拆開看。

畢大驚曰。可惜鄧九公黃天祥俱死于非命。着實傷悼。只見鄧婢玉哭上帳來。稟上元帥。末將愿去爲父報仇。子牙許之。又點先行官哪吒同往。哪吒大喜。領了將令。星夜往青龍關來。哪吒風火輪來的快。便先行。婢玉隨營行走。只見哪吒霎時就是青龍關了。正是

頃刻行千里。

須臾至九州。

話言哪吒至營前。報入中軍。有先行官哪吒。轅門聽令。黃總兵忙叫請來。哪吒進中軍。行禮畢。黃總兵曰。吾奉令分兵至此。不幸子亡。兵敗。鄧九公竟被左術喪身。吾在此待罪。請援。今先行官至此。吾輩不勝幸甚。哪吒曰。小將軍毋

心忠義爲國捐軀。清史簡篇永垂不朽。亦不辜負將軍教養之功。次日哪吒上風火輪。提火尖鎗。往關下搦戰。猛見黃天祥之尸。大怒曰。吾拿住丘引。定以此爲例。大叫城上報事官。快傳與丘引。早來洗頸受戮。報馬報入帥府。有將請戰。丘引聽報。自恃已能。依舊是陀頭打扮。竟出關門。看見一人登風輪而來。大呼曰。來者莫非是哪吒麼。哪吒大罵曰。你這匹夫。黃天祥與你。不過敵國之仇。彼此爲國。不過梟首。又有何罪。你竟欲風化其尸。我今拿住你。定碎醢汝尸。爲天祥泄恨。把火尖鎗擺動。直取丘引。丘引以鎗急架相還。二馬相交。雙鎗並舉。來往戰殺。二三十合。丘引就

走。哪吒起來。丘引依舊把頂上白氣陞出。現那一顆紅珠出來。在空中旋畢。丘引把哪吒當做凡胎肉體。不知他是蓮花化身。便大叫曰。哪吒你看吾之寶。哪吒擡頭看見大笑曰。無知匹夫。此不過是個紅珠兒。你叫我看他怎的。丘引大驚。吾得道修成此珠。捉將擒軍。無不效驗。今日哪吒着見。如何不昏于輪下。心中已是着忙。只得勒回馬來。又戰。被哪吒用乾坤圈打來。正中丘引肩窩。打的筋斷骨折。伏鞍而逃。敗回關去。哪吒得勝回營。來見黃飛虎。不表。且說土行孫催糧。至子牙大營。見元帥回令畢。土行孫下殿。不見鄧婁玉。問其故。武吉曰。黃飛虎求救兵。申文言你岳

翁陣亡。你夫人去了。土行孫聽得鄧九公已死。着實傷悼。忙忙領子牙催糧箭督二運。逕往青龍關來。不一日至帳門。探報馬入中軍。黃飛虎令請來。土行孫來至帳前。行禮畢。黃飛虎曰。鄧九公為左術陣亡。吾子二人被擒。天祥被丘引逆賊風化其尸。今日先行哪吒打丘引一乾坤圈。逆賊未曾授首。土行孫曰。待末將今晚且將天祥尸首盜出。用梓木收殮。明日好擒丘引。報此仇。土行孫下帳來。與鄧婁玉等相見。只至當晚。土行孫借他行術。逕進關來。先在裡邊走了一番。及行到圍圍之中。看見太鸞黃天祿時至。二更四下裡人聲寂靜。土行孫鑽上來。悄悄的叫黃天祿

我來了。你放心。不久就取關了。黃天祿聽的是土行孫聲。音大喜曰。速些纜妙。土行孫曰。不必分付。行孫說了。信送。至城樓上。把繩子割斷。天祥的尸首吊在關外。周紀收去。尸首黃飛虎看見。子尸放聲大哭曰。年少爲國。致損其軀。真爲可惜。急用棺木收尸。黃飛虎自思想。吾生四子。今喪三人。今日不若命黃天爵送天祥尸首回西岐去。早晚亦可侍奉吾父。一則不失黃門之後。二則使我忠孝兩全。黃飛虎打發第三子黃天爵押喪車回西岐去了。且說丘引被哪吒打傷。次日陞廳納悶。只見巡城軍士來報黃天祥尸首夜來不知被何人割斷繩子。將尸首盜去。丘引聽報。

愈加愁悶。陳奇大怒。不才出關。拿來爲主將報仇。說罷。領本部飛豹兵。至營前搦戰。哨馬報入中軍。黃總兵問誰人。見陣土行孫愿往。鄧婁王欲爲父親報仇。愿隨掠陣。夫妻二人出營。見陳奇坐金睛獸。提蕩魔杵。滾至陣前。土行孫大罵陳奇曰。匹夫用左道邪術。殺吾岳丈。不共戴天。今日特來擒你報仇。陳奇大笑諒你這等人。真如朽腐之物。做得出甚麼事來。殺你恐污吾手。催開坐騎。拎杵就打。土行孫手中棍。急架。忙迎。杵棍並舉。未及數合。陳奇見土行孫往來小巧。便宜急切。不能取勝。陳奇忙把杵一擺。飛豹兵齊奔前來。陳奇對着土行孫把嘴一張。噴出一道黃氣。土

行孫站不住。一交跌倒在地。飛豹兵把那土行孫拿。陳奇不防鄧嬋玉在對面見拿了他丈夫。發出一塊五光石來。正中陳奇嘴上。打得唇綻齒落。哎喲一聲。掩面而走。嬋玉又發一石。夾後心。一下把護心鏡打得粉碎。陳奇只得伏鞍而逃。只見土行孫睜開眼。渾身上了繩子。咲曰。到有趣。陳奇被鄧嬋玉打傷。逃回關內。來見丘引。丘引看見陳奇。鼻青嘴綻。袍帶皆鬆。忙問其故。陳奇曰。只因拿一不堪匹夫。不防對過有一賤人。用石打傷面門。復一石。又打傷脊背。致失機。而回。丘引聽說。忙令左右將周將拿來。左右隨將土行孫推至堦前。丘引看見土行孫。身不滿三四尺。便

問陳奇曰。這樣東西。拿他何用。命左右推出去。斬了。號令土行孫。也不慌。不忙。來至關上。左右方欲動手。只見土行孫把身子一扭。杳無踪跡。正是

地行道術原無跡。

盜竇偷關蓋世雄。

話說左右見土行孫不見了。只說得目瞪口呆。慌忙報與丘引。丘引聽報。大驚曰。周營中有此異人也。所以屢伐西岐。俱皆失利。今日不見黃天祥尸首。就是此人。盜去也未可知。速傳令。早晚各要防關隘。且說土行孫要回。見黃總兵。共議取關。忽哨探馬報入中軍。有三運督糧官鄭倫來。轅門等令黃總兵傳令。令來鄭倫至帳前行禮。畢言曰。奉

姜元帥將令催糧。應付軍前聽用。黃飛虎曰：多蒙將軍催糧有功。侯上功勞簿。鄭倫曰：俱是爲國效用。鄭倫偶見土行孫也在此。忙問土行孫曰：足下係二運官。今到此何幹。土行孫曰：青龍關中有一人名喚陳奇也。與你一樣拿人。吾岳丈被他拿去。壞了性命。特奉元帥將令來此救援。只他比你不同。他把嘴一張口內噴出一道黃氣來。其人自倒。比你那鼻中哼出白氣來。大不相同。覺他的便宜。昨日我被他拿去。走了一遭來。鄭倫曰：豈有此理。當時吾師傅我曾言吾之法蓋世無雙。難道此關又有這樣異人。我必定會他一會。看其真實。且說陳奇恨鄧嬋玉打傷他頭面。

自服了丹藥。一夜全愈。次日出關。坐名只要鄧嬋玉出來。定個雌雄。哨馬報入中軍。啓老爺陳奇搦戰。鄭倫出而言曰：末將愿往。黃飛虎曰：你督糧亦是要緊的事。原非先行破敵之役。恐姜丞相見罪。鄭倫曰：俱是朝廷功蹟。何害于理。黃飛虎只得應允。鄭倫上了金精獸。提降魔杵。領本部三千烏鴉兵出營來。見陳奇也是金精獸。提蕩魔杵。也有一隊人馬俱穿黃號色。也拿着撓鈎套索。鄭倫心下疑惑。乃至軍前大呼曰：來者何人。陳奇曰：吾乃督糧上將軍陳奇是也。你乃何人。鄭倫曰：吾乃三運總督官。鄭倫是也。鄭倫問曰：聞你有異術。今日特來會你。鄭倫催開金精獸。搖

手中降魔杵劈頭就打。陳奇手中蕩魔杵赴面交還。二獸交加一場大戰。怎見得

二將陣前尋鬪賭。兩下交鋒誰敢阻。這一箇似搖頭獅子下山崗。那一箇不亞擺尾狻猊尋猛虎。這一箇興心定要正乾坤。那一箇赤膽要把江山輔。天生一對惡生辰。今朝相遇爭旗鼓。

話說二將大戰。虎穴龍潭。這一箇惡狠狠圓睜二目。那一箇咯吱咬碎銀牙。只見土行孫同哪吒出轅門來看。二將交兵。連黃飛虎同衆將也在旗門下都來看。廝殺鄭倫正戰之間。自忖此人當真有此術法。打人不過先下手爲

把杵在空中一擺。鄭倫部下烏鴉兵行如長蛇陣一般。而來陳奇看鄭倫擺杵士卒把鏡鈎套索似有拏人之狀。陳奇也搖杵他那裡飛豹兵也有套索鈎撓。飛奔前來正是

能人自有能人伏

今日寧哈相會時

鄭倫鼻子裡兩道白光出來。有聲。陳奇口中黃光也自迸出。陳奇跌了個金冠倒躪。鄭倫跌了個鎧甲離鞍。兩邊兵卒不敢拿人。只顧各人搶各人。主將回營。鄭倫被烏鴉兵搶回。陳奇被飛豹兵搶回。各自上了金睛獸回營。土行孫同衆將笑得腰軟骨折。鄭倫自嘆曰。世間又有此異人明

日定要與他定個雌雄。方肯罷休。不表。只說陳奇進關來。見丘引。盡言前事。丘引又聞佳夢。關失了。心下不安。次日。鄭倫關下搦戰。陳奇上騎出關。言曰。鄭倫大丈夫一言已定。從今不必用術。各賭手上工夫。你我也難得會。催開坐下。二騎兩將。又殺一日。未見輸贏。來見黃飛虎。眾將俱在帳上共議取關之策。哪吒曰。如今土行孫也在此。不若今夜我先進關。斬關落鎖。夜裡乘其無備。取了關為上策。黃飛虎曰。全仗先行。正是。

哪吒定計施威武。

今夜青龍屬武王。

話說丘引在關內修表進朝。歌遣將來。此協同子關共阻。

周兵不覺是一更時分。土行孫先進關裡來。暗暗在囹圄中打點放黃天祿。太鸞二更時分。哪吒登起風火輪飛進關來。在城樓上祭起金磚。把守門軍將打散。隨撞開拴鎖。周兵吶一聲喊。殺進城來。金鼓大作。天翻地覆。城中大亂。百姓只顧逃生。土行孫在囹圄中聽得吶喊。隨放了黃天祿。太鸞殺出本府來。丘引還不曾睡。急慌上馬。拎鎗出府。只見燈光影裡。火把叢中。見金甲紅袍。乃武成王黃飛虎。哪吒登風火輪。使鎗殺來。鄧秀趙升。孫焰紅。把丘引裹在當中。鄭倫殺進城來。正遇陳奇二將。夜兵大戰。黃天祿從後面殺出府來。土行孫倒拖鄧鉄棍。往丘引馬下打來。舉

棍丘引不及隄防被行孫一棍正打着他馬七寸那馬打
了個前失把丘引跌下馬來黃飛虎看見忙撚鎗刺來丘
引已借土遁去了正是生死有定不該絕于此關且言衆
將裹住陳奇被哪吒祭起乾坤圈打中陳奇傷了臂膊往
左一閃被黃飛虎一鎗刺中脇下死于非命殺到天明黃
飛虎收兵查點只走了丘引飛虎嚙廳出榜安民查明戶
口冊籍留將守青龍關黃總兵回師先有哪吒報捷土行
孫仍催糧去了且說子牙在中軍衆將正講六韜三畧
報事官報元帥哪吒等令子牙傳令令來哪吒至中軍脩
言取了青龍關事說了一遍弟子先來報捷子牙大悅謂

衆將曰吾之先取此二關者欲通吾之糧道若不得此係
紂兵斷吾糧道前不能進後不能退我先首尾受敵此其
全勝之道也故爲將先要察此今幸俱得可以無憂衆將
曰元帥妙算真無遺策正談論間左右報黃飛虎等令子
牙曰令來飛虎至中軍打躬行禮子牙賀過功因不見鄧
九公黃天祥在前心下甚是懷楚嘆曰可借忠勇之士不
得享武王之祿耳營中治酒懽飲次日子牙差辛甲先下
一封戰書話說汜水關韓榮見子牙按兵不動分兵取佳
夢青龍二關速連差人打探回報二關已失韓榮對衆將
曰今西周已得此二關軍威正盛我等正當中路必須協

力其守毋得專恃力戰也。衆將各有不忿之色。願決一死戰。正議間報姜元帥遣宮下戰書。韓榮命令來。辛甲至。前將書呈上。韓榮接書展開觀看。書曰：西周奉天征討。天寶大元帥姜尚致書於汜水關主將麾下。嘗聞天命無常。惟有德者永獲天眷。今商王受淫酗肆虐。暴殄下民。天愁于上。民怨于下。海宇分崩。諸侯叛亂。生民塗炭。惟我周武王特恭行天之罰。所在民心效順。強梁授首。所有佳夢青龍二關逆命。俱已斬將塞旗。萬民歸順。今大兵到此。特以尺一之書。咸使聞知。或戰或降。早賜明決。毋得自誤。不宣。

韓榮觀看畢。卽將原書批回。來日會戰。辛甲領書回營。子牙曰：奉令下書。原書批回。明日會兵。子牙整頓士卒。一夜無詞。次日子牙行營。砲响大隊擺開。出轅門在關下。關戰有報馬報入關來。今有姜元帥關下請戰。韓榮忙整點人馬。放砲呐喊出關。左右大小將官分開。韓榮在馬上見子牙號令森嚴。對對英雄威武。怎見得有鷓鴣天一詞爲証。

詞曰

殺氣騰騰萬里長。旌旗戈戟透寒光。雄師手仗三環劍。虎將鞍橫丈八鎗。軍浩浩。士怱怱。鑼鳴鼓响猛如狼。東

征大戰三十陣。汜水交兵第一場。

話說韓榮在馬上見子牙，口稱姜元帥，請了率土之濱，莫非王臣。元帥何故動無名之師，以下凌上，其心作商家叛臣。吾爲元帥，不取也。子牙笑曰：將軍之言差矣。君正則居其位，君不正則求爲匹夫，不可得。是天命豈有常哉？惟有德者能君之。昔夏桀暴虐，成湯伐之，代夏而有天下。今紂王罪過于桀，天下諸侯叛之。我周特奉天之罰，以討有罪。安敢有逆天命，厥罪惟鈞哉？韓榮大怒曰：姜子牙，我以你爲高明之士，你原來是妖言惑衆之人。你有多大木，領敢出大言。那員將與吾爭了傍，有先行王虎走馬，搖刀飛奔。

前來直取子牙。只見哪吒已登風火輪，舉鎗忙迎。輪馬相交，刀鎗並舉。兩下裡喊聲不息，鼓角齊鳴。戰未數合，哪吒奮勇一鎗，把王虎挑下馬。下魏黃見哪吒見勝，把馬一盪，搖鎗前來，飛取韓榮。韓榮手中戟，赴面交還。魏黃的鎗勢如猛虎，韓榮見先折了王虎，心中已自慌忙，無心戀戰。只見子牙揮動兵將，冲殺過來。韓榮抵敵不住，敗進關中去了。子牙得勝回營，不表。且說韓榮兵敗進關，一面具表往朝歌告急。一面設計守關。正在緊急之時，忽報七首將軍余化等令韓榮聽得，余化大喜，來至忙傳令來。余化至殿上行禮。韓榮曰：自從將軍戰敗去後，此關反被黃飛虎

走出去了。不覺數載。豈他養氣力。今反駁同那姜尚。三路分兵。取了佳夢關。青龍關。盡爲周有。昨日會兵。不能取勝。如之奈何。余化曰。末將被哪吒打傷。敗回蓬萊山。見我師尊。燒煉一件寶物。可以復我前仇。縱周家有千萬軍將。只叫他片甲無存。韓榮大喜。治酒管待。話說次日。余化至周營討戰。子牙問誰去出馬。哪吒應聲而出。弟子愿往。哪吒道。罷登輪提鎗。出得營來。一見余化。哪吒認得他。大呼曰。余化慢來。余化見了仇人。把臉紅了半邊。也不答話。催開金睛獸。搖戟直取哪吒。哪吒的鎗。赴面交還。輪獸相交。戟鎗雙舉。來往冲殺。有二三十合。哪吒的鎗。乃太乙真人

傳授有許多機變。余化不是哪吒對手。余化把一口刀。名曰化血神刀。祭起。如一道電光。中了刀痕。時刻卽死。怎見得有詩爲證。詩曰。

丹爐曾煅煉。

火裡用功夫。

靈氣後先妙。

陰陽表裏扶。

透甲元神喪。

沾身性命無。

哪吒逢此刀。

眼下面無膚。

余化將化血刀祭起。那刀來得甚快。哪吒躲不及。中了一刀。大抵哪吒乃蓮花化身。渾身俱是蓮花瓣兒。縱傷了他。不比凡夫血肉之軀。登時卽死。該有凶中得吉。哪吒着力傷了。大叫一聲。敗回營中。走進轅門。跌下風火輪來。哪吒

着了刀傷。只是顛不能做。旗門官報與子牙。子牙令扛
擡至中軍。子牙叫哪吒。哪吒不答話。子牙心下鬱鬱不樂。
不知哪吒性命如何。且聽下回分解。

總批

陳奇與鄭倫。方是對手。正所謂不相上下。又添了
哪吒土行孫等。則陳奇授首宜矣。

又批

土行孫地行之術。為偷營劫寨。固是奇妙。若遇着
楊戩之流。止落得一番空行。今青龍關內。連二二
庸品。安能抵得土行孫之偷劫哉。

第七十五回

土行孫盜騎陷身

詩曰

余化恃強自喪身。

師尊何苦費精神。

因燒土行翻招禍。

為惹懼留致起嗔。

北海初沉方脫難。

細仙再縛豈能狗。

從來數定應難解。

已時封神榜內人。

話說余化得勝回營。至次日又來周營搦戰。探馬報入中
軍。子牙問誰人出馬。有雷震子應曰。愿往。提棍出營。見余
化。黃面赤髯。甚是兇惡。問曰。來者可是余化。余化大罵反
國逆賊。你不認得我麼。雷震子大怒。把二翅飛騰于空中。

將黃金棍劈頭打來。余化手中戟赴面交還。一箇在空中用力一箇在獸上施威。雷震子金棍刷來如泰山一般。余化望上招架費力。略戰數合。忙舉起化血刀來。把雷震子風雷翅傷了一刀。幸而原是兩枚仙杏。化成風雷二翅。今中此刀。尚不至傷命。跌在塵埃。敗進行營。來見子牙。子牙又見傷了雷震子。心中甚是不樂。次日有報馬報入中軍。有余化搦戰子牙。日連傷二人。若痴呆一般。又不做聲。只是寒顫。且懸免戰牌出去。軍政官將免戰牌掛起。余化見周營掛免戰牌。掌鼓回營。只見次日有督糧官楊戩至轅門。見挂免戰二字。楊戩曰。從三月十五日拜將之後。將近

十月。如今還在這裡。尚不曾取成湯寸土。連忙掛免戰牌。心中甚是疑惑。且見了元帥。再做道理。探馬報入中軍。啓元帥。有督糧官楊戩聽令。子牙曰。令來。楊戩上帳。參謁畢。稟曰。弟子催糧。應付軍需。不曾違限。請令定奪。子牙曰。兵糧足矣。其如戰不足。何。楊戩曰。師叔。且將免戰牌收了。待弟子明日出兵。看其端的。自有處治。子牙在中軍與衆人正議此事。左右報有一道童來見子牙。曰。請來。少時至帳前。那童子倒身下拜。曰。弟子是乾元山金光洞太乙真人。門下師兄。哪吒有厄。命弟子背上山去調理。子牙將哪吒交與金霞童子。背往乾元山去了。不表。且說楊戩見雷震

子不做聲。只是顫看刀刃中血水如墨。楊戩觀看良久。此乃是毒物所傷。楊戩啓子牙去了。免戰牌子牙傳令去了。免戰牌。次日汜水關哨馬報入關中。周營已去。免戰牌。余化聽得。隨上了金睛獸。出關來。至營前。搦戰。哨馬報入中軍關內。有將討戰。正是

常勝不知終有敗。

周營自有妙人來。

話說余化至營。搦戰。楊戩稟過子牙。忙提三尖刀出營。見余化。光景是左道邪術之人。楊戩大叫曰。來者莫非余化麼。余化曰。然也。爾通名來。楊戩曰。吾乃姜元帥師侄。楊戩是也。縱馬搖三尖刀。飛來直取余化。手中戟。赴面交還兩

馬相交。一場大戰。未及二十餘合。命此來。起化血神刀。如閃電飛來。楊戩運動八九元功。將元神遁出。以左肩迎來。傷了一刀。也大叫一聲。敗回行營。看是甚麼毒物。來見子牙。子牙問曰。今日你會余化如何。楊戩曰。弟子見他神刀利害。仗吾師道術。將元神遁出。以左臂迎他一刀。畢竟看不出他的果是何毒。弟子且往玉泉山。金霞洞走一遭。子牙許之。楊戩借土遁往玉泉山。來至了金霞洞。進洞見師父拜罷。玉鼎真人問曰。楊戩你此來有甚麼話。說楊戩對曰。弟子同師叔進兵汜水關。與守關將余化對敵。彼有一刀。不知何毒。起先雷震子被他傷了一刀。只是寒顫。不能

做聲弟子也被他傷了一刀。幸賴師父玄功，不曾重傷。然終不知是何毒物。玉鼎真人忙令楊戩將刀痕來看。真人見此刀刃便曰：「此乃是化血刀所傷。但此刀傷了，見血即死。幸雷震子是傷的，兩枚仙杏你有玄功，故爾如此。不然皆不可活。」楊戩聽得不覺大驚。問曰：「似此將何術解救？」真人曰：「此毒連我也不能解。此刀乃是在蓬萊島一炁仙余元之物。當時修煉時，此刀在爐中，有三粒神丹同煉的。要解此毒，非此丹藥不能得濟。真人沉思良久，乃曰：「此事非你不可。附耳如此，如此方可。」楊戩大喜，頌了師父之言，離了玉泉山，往蓬萊島而來。正是：

真人道術非片品

咫尺蓬萊見大功

話說楊戩借土遁往蓬萊島而來。前至東海，好個海島。景奇花觀之不盡。怎見得海水平波，出崖錦砌。正所謂蓬萊景致與天闕無差。怎見得好山有讚為證。

讚曰

勢鎮東南源流四海。汪洋潮湧作波濤。滂渤山根成碧闕。蜃樓結彩化為人世奇觀。蛟孽興風又是滄溟幻化。丹山碧樹非凡。玉宇瓊宮天外。麟鳳優遊自然仙境。靈胎鸞鶴翱翔。豈是人間俗骨。琪花四季吐精英。瑤草千年呈瑞氣。且慢說青松翠栢常春。又適是

仙桃仙果時有修竹拂雲留夜月。藤蘿映日舞清風。
一溪瀑布時飛雪。四面丹崖若列星。正是百川滄海汪
擎天柱萬劫無移大地根。

話說楊戩來至蓬萊山。看罷蓬萊景致。仗八九元功。將身
變成七首將軍。余化逕進蓬萊島。來見了一炁仙余元。倒
身下拜。余元見余化到此。乃問曰。你來做甚麼。余化曰。弟
子奉師父之命。去汜水關協同韓總兵。把守關隘。不意姜
尚兵來。弟子見頭一陣刀傷了。哪吒第二陣傷了。雷震子
第三陣恰來了。姜子牙師侄楊戩。弟子用刀去傷他。被他
一指反把刀指回來。將弟子傷了。肩臂望老師慈憐。救拔。

一炁仙余元曰。有這等事。他有何能。敢指回我的寶刀。但
當時煉此寶。在爐中分龍虎。定陰陽。同煉了三粒丹藥。我
如今將此丹留在此間。也無用。你不若將此丹藥取了去。
以備不虞。余元隨將丹遞與余化。余化叩頭謝老師天恩。
出洞來回洞營。不表。有詩單讚楊戩。玄功變化之妙。

詩曰

悟到功成道始精。

玄中玄妙有無生。

蓬萊在秘通靈藥。

汜水徒勞化血兵。

計就騰挪稱幻聖。

裝成音巧盜英明。

多因福助周文武。

一任奇謀若浪萍。

話說楊戩得了丹藥。逕回周營。且說一炁仙余元把藥一
時俱與了余化。靜坐思忖。楊戩有多大本領。能指回我的
化血刀。若余化被刀傷了。他如何還到得這裡。其中定有
緣故。余元掐指一算。大叫曰。好楊戩匹夫。敢以變化玄功。
盜吾丹藥。欺吾太甚。余元大怒。上了金眼駝。來趕楊戩。楊
戩正往前行。只聽得後面有風聲。趕至楊戩。已知余元來
趕。忙把丹藥放在囊中。暗祭哮天犬。存在空中。余元只顧
趕楊戩。不知暗算難防。余元被哮天犬夾頸子一口。正是
此犬

牙如鋼劍傷皮肉。

紅袍拉下半邊來。

余元不曾提防。暗算被犬一口。把大紅日鶴衣。扯了半邊。
余元又吃了大虧。不能前進。吾且回去。再整頓前來。以復
此仇。話說子牙正在營中納悶。只見左右來報。有楊戩等
令子牙傳令。令來。楊戩至帳前。見子牙。備言前事。盜丹而
回。子牙大喜。忙取丹藥。救雷震子。已遣木吒往乾元山送
此藥。與哪吒調理。次日。楊戩往關下來搦戰。探事官報入
帥府。周營中有將討戰。韓榮。忙令余化出戰。余化上了金
睛獸。搦戟出關。楊戩大呼曰。余化。前日你用化血刀傷我。
幸吾煉有丹藥。若無丹藥。幾中汝之奸計也。余化暗思。此
丹乃一爐所出。焉能周營中也有此丹。若此處有丹。此刀

無用。催開金睛獸大戰楊戩。二馬相交。刀戟並舉。二將酣戰三十餘合。正殺之間。雷震子得了此丹。即時全好了。心中大怒。竟飛出周營。大喝曰：「好余化！將惡刀傷吾。若非丹藥。幾至不保。不要走。吃吾一棍。以泄此恨。」捲起黃金棍。劈頭刷來。余化將手中戟架棍。楊戩三尖刀來得又勇。余化被雷震子一棍打來。將身一閃。那雷震子中金睛獸把余化掀翻下地。被楊戩復一刀結果了。雷震子正是

一腔左術全無用

枉做成湯梁棟材

楊戩斬了余化。掌鼓回營。見子牙報功不表。且說韓榮聞余化陣亡。大驚此事。急好前日遣官往朝歌去。命又不下。

今無人協同守此關隘。如何是好。正議間。余元乘了金睛五雲駝。至關內下騎。至帥府前。令門官通報。眾軍官見余元好。克惡。忙報韓榮。韓榮傳令請來。道人進帥府。韓榮迎接。余元只見他生得面如藍靛。赤髮獠牙。身高一丈七八。凜凜威風。二目克光。冒出韓榮降階而迎。口稱老師。請上銀安殿。韓榮下拜。問曰：「老師是那座名山。何處洞府。一系仙。余元曰：「楊戩欺吾太甚。盜丹殺吾弟子。余化貧道是蓬萊島一系仙。余元是也。今特下山。以報此仇。韓榮聞說大喜。治酒管待。次日。余元上了五雲駝。出關至周營。坐名要子牙答話。報馬報入中軍。汜水關有一道人請元師答話。

子牙傳令擺隊伍出營。左右分五岳門人。一騎當先。只見一位道人。生的十分克惡。怎見得。

魚尾冠。金篦。大紅服。雲暗生。面如藍靛。獠牙。冒赤髮。紅鬚。古怪形。絲絲飄火焰。麻鞋若水晶。蓬萊島內。修仙體。自在趙遙。得至清。位在監齋。成神道。一系仙。

名舊。有聲。

話說子牙至軍前。問曰。道者請了余元。道姜子牙。你呼出楊戩。來見我。子牙曰。楊戩催糧去了。不在行營。道者你既在蓬萊島。難道不知天意。今成湯傳位六百餘年。至紂王無道。暴棄天命。肆行克惡。罪惡貫盈。天怒人怨。天下叛之。

我周應天。順人克修天道。天下歸周。今奉天之罰。以觀政于商。爾何得阻逆天吏。自取滅亡哉。道者你不觀余化諸人。皆是此例。縱有道術。豈能抵轉天命耶。余元大怒曰。總是你這一番妖言惑眾。若不殺你。不足以絕禍根。催開五雲。號仗寶劍。直取子牙。子牙手中劍。赴面交還。左有李靖。右有韋護。各舉兵器。前來助戰。西人只為無名火起。眼前要定雌雄。余元的寶劍光華灼灼。子牙劍彩色輝輝。李靖刀寒光燦燦。韋護杵殺氣騰騰。余元坐在五雲號上。把一尺三寸金光銼。祭在空中。來打子牙。子牙忙展杏黃旗。現出有千朵金蓮。擁護其身。余元忙收了金光銼。復祭起來。

打李靖不防子牙祭起打神鞭來一鞭正中余元後背只
打的三昧真火噴出丈餘遠近李靖又把余元腿上一鎗
余元着傷把五雲駝頂上一拍只見那金眼駝四足起金
光而去子牙見余元着傷而走收兵回營不表且說土行
孫催糧來至見了子牙會兵他暗暗的瞧見余元的五雲駝
四足起金光而去土行孫大喜我若得此戰騎催糧真是
便益當時子牙回營陞帳忽報土行孫等令子牙傳令令
來土行孫至帳前交納糧數不誤限期子牙曰催糧有功
暫且下帳少憩土行孫下帳來見鄧嬋玉夫妻共語說金
元把刀傷了哪吒哪吒往乾元山養傷瘻去了土行孫至

晚對鄧嬋玉曰我方纔見余元坐騎四足旋起金光如雲
霓縹緲而去妙甚妙甚我今夜走去盜了他的來騎着催
糧有何不可鄧嬋玉曰雖然如此你若要須稟知元帥
方可行事不得造次土行孫曰與他說沒用總是走去便
來何必又多一番唇舌當時夫妻計較停當將至二更土
行孫把身子一扭逕進汜水關來到帥府裡土行孫見余
元默運元神土行孫在地下往上看他道人目似垂簾不
敢上去只得等候却言余元默運元神忽然心血潮來余
元暗暗掐指一算已知土行孫來盜他的坐騎余元把陽
神出竅少刻鼻息之聲如雷土行孫在地下聽見鼻息之

聲大喜曰。今夜定然成功。把身子鑽將上來。拖着鉄棍。又見廊下拴着五雲駝。土行孫解了韁繩。牽到丹墀下。挨着馬臺。扒上去。試驗試驗。然後又扒將下來。將這那鉄棍。執在手裏。來打余元。照余元耳門上一下。只打得七竅中三味火冒出來。只是不動。復打一棍。打得余元只不作聲。土行孫曰。這潑道。真是頑皮。吾且回去。明日再做道理。土行孫上了五雲駝。把他頂上拍了一下。那獸四足就起。金雲飛在空中。土行孫心下十分懽喜。正是

懽喜未來災又至。

只因盜物惹非殃。

且說土行孫騎着五雲駝。只在關裡串不得出關去。土行

孫曰。寶具你還出關去。話猶未了。那五雲駝便落將下地來。土行孫方欲下駝。早被余元一把抓住頭髮。擄着他。不令沿着地。大叫曰。拿住偷駝的賊了。驚動一府大小將官。掌起火把燈裘。韓榮陞了寶殿。只是余元高高的把土行孫擄着。韓榮燈光下。見一矮子。老師擄着他。做甚麼。放下他來罷了。余元曰。你不知他會地行之術。但沿了地。他就去了。韓榮曰。將他如何處治。余元曰。你把俺蒲團下一個。袋兒取來。裝着這業障。用火燒死他。方絕禍患。韓榮取了袋兒。裝起來。余元叫搬柴來。少時間架起柴來。把如意乾坤袋燒着。土行孫在火裡。大叫曰。燒死吾也好。火怎見得。

有詩爲證

詩曰

細細金蛇遍地明。
燧人出世居離位。
山石逢時皆赤土。

黑烟滾滾卽時生。
炎井騰光號火精。
江湖偶遇盡枯平。

誰知天意歸周主。
自有真仙渡此驚。

話說余元燒土行孫命在須臾。也是天數不該如此。只見懼留孫正坐蒲團。默養元神。見白鶴童子來至。曰奉師尊玉旨。命師兄去救土行孫。懼留孫聞命。與白鶴童子分別。借着縱地金光法。來至汜水關裏。見余元正燒乾坤袋。懼

留孫使一陣旋窩風。往下一坐。伸下手來。連如意乾坤袋。提將去了。余元看見一陣風來。又見火勢有景。余元插指一算。好懼留孫。你救你的門人。把吾如意乾坤袋也拿了去。我明日自有處治。且說懼留孫將土行孫救出火焰之中。土行孫在內。自覺得不熱。不知何故。懼留孫來至周營。那夜是南宮适巡外營。時至三更。盡南宮适問曰。是甚麼人。懼留孫曰。是我。快通報子牙。吾來也。南宮适向前看。知是懼留孫。忙傳雲板。子牙三鼓時分起來。外邊傳人帳中。有懼留孫在轅門。子牙忙出迎接。見懼留孫携看一個袋子。至軍前打稽首坐下。子牙曰。道兄寅夜至此。有何見諭。

懼留孫曰。土行孫有火難。特來救之子牙。大驚。土行孫昨日備糧方回。其災如何。得至懼留孫。把如意袋兒打開放。出土行孫來。問其詳細。土行孫把盜五雲駝的事。說了一遍。子牙大怒曰。你要做此事也。該報我知道。如何違背主帥。暗行辱國之事。今若不正軍法。諸將效由。將來管規必亂。傳刀斧手。將土行孫斬首。號令。懼留孫曰。土行孫不遵軍令。暗行進關。有辱國體。理宜斬首。只是用人之際。暫且待罪立功。子牙曰。若不是道兄求免。定當斬首。命左右且與我放了。土行孫謝了師父。又謝過子牙。一夜。周營中未曾安靜。次日只見一烝仙。余元出關來。至周營。坐名。民要

懼留孫。懼留孫曰。他來只爲如意。乾坤袋。我不去會他。你只須如此。自可擒此潑道也。懼留孫與子牙計較。停當。子牙點砲出營。余元一見子牙。大呼曰。只叫懼留孫出來會我。子牙曰。道友你好不知天命。據道友要燒死土行孫。自無逃躲。豈知有他師父來救他。正所謂有福之人。縱千方百計。而不能加害。無福之人。遇溝壑而喪其軀。此豈人力所能哉。余元大怒曰。巧言匹夫。尚敢爲他支吾。催開五雲駝。使寶劍來取。子牙坐下。四不相。手中劍。赴前相迎。二獸相交。雙劍並舉。兩家一場大戰。怎見得有詞爲證。

詞曰

凜凜征雲萬丈高。軍兵搗鼓把旗搖。一個是封神都
領袖。一個是監齋名姓標。這個正道奉天滅紂主。那
個是無福成仙自逞高。這個是六韜之內稱始祖。那
個是惡性克心怎肯饒。自來有福權無福。天意循環
怎脫逃。

話說子牙大戰余元未及十數合。被懼留孫祭細仙縋在
空中。命黃巾力士半空將余元拿去。止有五雲駝。跳進關
中。子牙與懼留孫將余元拿至中軍。余元曰。姜尚。你雖然
擒吾。看你將何法治我。子牙令李靖。斬訖報來。李靖領令
推出轅門。將寶劍斬之一。一聲。剛把寶劍砍缺有二指。李靖

回報子牙。備言殺不得之事。說了一遍。子牙親自至轅門。
命韋護祭降魔杵。打只打得騰騰烟出。烈烈火飛。余元作

歌曰。

君不見。天皇得道將身煉。修行養道碧遊宮。坎虎離
龍方出現。五行隨我任心遊。四海三江都走過。頂金
頂玉秘修成。曾在爐中仙火煨。你今斬我要分明。自
古一劍還一劍。

余元作歌罷。子牙心下十分不樂。與懼留孫共議。如今放
不得余元。且將他囚于後營。等取了關。再做區處。懼留孫
曰。子牙。你可命匠人造一鉄櫃。將余元沉於北海。以除後

患子牙命鐵匠急造鐵櫃已成將余元放在櫃內懼留孫
命黃巾力士穩定了往北海中一丟沉於海底黃巾力士
回復懼留孫法旨不表且說余元入于北海之中鐵櫃亦
是五金之物况又丟在水中此乃金水相生反助了他一
臂之力余元備水遁走了逕往碧遊宮紫芝崖下來余元
被細仙繩纏住不得見截教門人傳與掌教師尊忽聽得
一個道童唱道情而來

詞曰

山遙水遙隔斷紅塵道。粗袍敝袍袖裏乾坤倒。日月
肩挑乾坤懷抱常自把燁霞嘯傲。天地逍遙龍降虎

伏道自高紫霧護新巢。白雲做故交。長生不老。只在
壺中一覺。

話說余元大呼曰那一位師兄來救吾之殘喘。水火童兒
見紫芝崖下一道者青面紅髮巨口獠牙細在那裡童兒
問曰你是何人。今受此厄。余元曰吾乃是金靈聖母門下
蓬萊島一炁仙余元是也。今被姜子牙將吾沉於北海。幸
天不絕我得借水遁方能到得此間。望師兄與吾通報一
聲。水火童兒逕來見金靈聖母。備言余元一事。金靈聖母
聞言大怒。急至崖前不見還可。越見越怒。金靈聖母逕進
宮內。見通天教主。主行禮畢。言曰弟子一事。啓老師人言崑

崑門下欺滅吾教。俱是耳聽。今將一炁仙。余元他得何罪。竟用鉄櫃沉於北海。幸不絕生。借水遁逃。至于紫芝之崖。望老師大發慈悲。救弟子等體面。通天教主曰。如今在那裡。金靈聖母曰。在紫芝之崖。通天教主分付。擡將來。少時將余元擡至宮前。碧遊宮多少截教門人。看見余元。無不動氣。只見金鐘聲响。玉磬齊鳴。掌教師尊來至。到了宮前一見諸大弟子。齊言闡教門人欺吾教太甚。教主看見余元。這等光景。教主也覺得難堪。先將一道符印對余元身上。教主用手一彈。只見綢仙繩吊下來。古語云。聖人怒發不上臉。隨命余元跟吾進宮。教主取一物與余元曰。你去把懼

留孫拿來見我。不許你傷他。余元曰。弟子知道。正是。

聖人賜與穿心鎖。

只恐皇天不肯從。

話說余元得了此寶。離了碧遊宮。借土遁而來。行得好快。不須更已。至汜水關。有報事馬報入關中。有余道長到了。韓榮降塔。迎接到殿。欠身言曰。聞老師失符。被姜尚所擒。使末將身心不安。今得觀天顏。韓榮不勝幸甚。余元曰。姜尚用鉄櫃把我沉于北海。幸吾借小術到吾師尊那所在。借得一件東西。可以成功。可將吾五雲駝收拾打點出關。以報此恨。余元隨上騎。至周營轅門。坐名。只要懼留孫。報馬報入中軍。啓元帥。余元搦戰。只要懼留孫。幸而懼留孫

不曾回山子牙大驚。忙請懼留孫商議。懼留孫曰：余元沉海。畢竟借水遁。潛逃至碧遊宮。想通天教主必定借有奇寶。方敢下山子牙。你還與他答話。待吾再擒他進來。且救一時。燃眉之急。若是他先祭其寶。則吾不能支耳。子牙曰：道兄言之有理。子牙傳令。點砲帥旗。展動。子牙至軍前。余元大呼曰：姜子牙。我與你今日定見雌雄。催開五雲驃。惡狼狠飛來。直取姜子牙手中劍。赴面交還。只一合。懼留孫祭起。細仙繩。命黃巾力士。將余元拿下。只聽得一聲响。又將余元平空拿去了。正是

秋風未動蟬先覺

暗送無常死不知

余元不隄防。暗中下手。子牙見拿了余元。其心方安。進營將余元放在帳前。子牙與懼留孫共議。若殺余元。不過五行之術。想他俱是會中人。如何殺得他。倘若再走了。如之奈何。正所謂生死有定。大數難逃。余元正應封神榜上有名之人。如何逃得。子牙在中軍。正無法可施。無籌可展。忽然報陸壓道人來至。子牙同懼留孫出營相接。至中軍。余元一見陸壓。只說得仙魂縹緲。面似淡金。余元悔之不及。余元曰：陸道兄。你既來。還求你慈悲。我可憐我千年道行。苦盡功夫。從今知過必改。再不敢干犯西兵。陸壓曰：你逆天行事。天理難容。況你是封神榜上之人。我不過代天行

罰正是

不依正理歸邪理。
誰知天意扶真主。

仗你宵中道術高。
吾今到此命難逃。

陸壓曰取香案。陸壓香焚爐中望崑崙山下拜花籃中取
出一個葫蘆放在案上。揭開葫蘆蓋裡邊一道紅光如線
起在空中現出七寸五分橫在白光頂上。有眼有翅。陸壓
口裡道寶貝請轉身。那東西在白光上連轉三四轉可憐
余元斗夫一顆首級落將下來。有詩單道斬將封神飛刀
有詩爲証。

詩曰

先煉真元後運功。

此中玄妙配雌雄。

惟存一點先天訣。

斬怪誅妖自不同。

話說陸壓用飛刀斬了余元。他一靈已進封神臺去了。子
牙欲要號令陸壓曰不可。余元原有仙體。若是暴露則非
禮矣。用土掩埋。陸壓與懼留孫辭別歸山。且說韓榮打聽
余元已死在銀安殿。與衆將共議曰如今余道長已亡。再
無可敵周將者。况兵臨城下。左右關隘俱失。與周家子牙
麾下俱是道德術能之士。終不得取勝。欲要歸降。不忍負
成湯之爵位。如不歸降。料此關難守。終被周人所擄。爲今
之計。奈何奈何。傍有偏將徐忠曰。主將旣不忍有負成湯。

决無猷關之理。吾等不如將印綬掛在殿庭文冊留與府庫。望朝歌拜謝皇恩。棄官而去。不失盡人臣之道。韓榮聽說。俱從其言。隨傳令衆軍士將府內資重之物。打點上車。欲隱跡山林。埋名丘壑。此時衆將官各自去打點起行。韓榮又命家將搬運金珠寶玩。扛抬細軟衣帛。紛紛喧譁。忽然驚動韓榮二子在後園中。設造奇兵。欲拒子牙。弟兄二人聽得家中紛紛然闕亂。走出庭來。只見家將扛抬箱籠。問其緣故。家將把棄關的話說了一遍。二人聽罷。你鬥且住了。我自自有道理。二人齊來見父親。不知凶吉如何。且聽下回分解。

總批

徐元以道術恃強。自以爲無可奈何。他執意兩次被擒。卒遇陸壓。斬仙飛刀而死。豈非天乎。今之謙遜不知止者。多遇身亡。良可鑒也。

又批

出行孫不守主將命令。暗行盜騎。幾至不保。深辱國之愆。理宜正法。只是懼留孫護短。便自草草放過。神仙也自偏心。無怪世人薄惡。

